



UNIVERSITÄTS-
BIBLIOTHEK
PADERBORN

Universitätsbibliothek Paderborn

Medvlla Theologiæ Moralis

Busenbaum, Hermann

Monasterii Westphaliæ

Dub. III. Quid sit dispositio, & degradatio, à quo, & ob quam causam fieri
poßit?

urn:nbn:de:hbz:466:1-40957

DUBIUM III.

*Quid sit depositio & degradatio, à quo,
& ob quam causam fieri
possit?*

Subjici solent Suspensioni Depositio & Degradatio (etsi censuræ non sint, ut dictum est cap. I.) ob similitudinem, quam habent cum suspensiōne, cum utraque sit ab Ecclesiastico ordine, aut beneficio. Differunt autem à suspensione, quod illæ auferant ipsum ius radicale, & titulum beneficii, idque in perpetuum: suspensio non item: Porro depositio genericè accepta, alia est verbalis, quæ absolute depositio dicitur: alia Realis, quæ dici solet degradatio.

Resp. I. Degradatio est privatio executionis officiorum, & beneficiorum simpliciter & in toto, & absque spe restitutionis, facta cum certa solemnitate, & privatione privilegii Clericalis, tam Canonis, quam fori, ita ut sacerdotali curiæ subdatur.

Dixi, Executionis: quia ordo ipse non potest tolli. Interim degradatus tenetur ad votum castitatis, si fuit in sacris, & ad Horas, nisi has forte poena, ad quam damnatur, v.g. triremes, vel aliud impedit.

Resp. II. Depositio verbalis est similis privatio, sed sine solemnitate dicta, & relieto utroque privilegio, Canonis & fori.

Resp. III.

Resp. III. Clerici possunt degradari à suo Episcopo, sed non ab inferioribus illo: deponi tamen possunt ab eodem per Vicarium.

Resp. IV. Depositio fieri potest in casibus iure expressis, & delictis: non tamen nisi gravioribus, arbitrio judicis. Ubi norat Laym. crimen debere esse enorme, id est, unum ex maximis. Degradatio similiter fieri potest in casibus tantum gravissimis, quales sunt v.g. crimen hæresis manifestum, falsario literarum Apostolicarum. Sodoma frequentata, gravis calumnia proprio Episcopo irrogata, v. Laym. hic c. 5. & Filz. t. 18, c. 8.

CAPUT IV.

De Interdicto

DUBIUM I.

Quid sit & Quotuplex?

RESP. Est censura Ecclesiastica, prohibens divinorum officiorum, sacramentorum aliquorum, & Ecclesiasticae sepulturæ usum, quatenus talis est. Quod addo, quia excommunicatio eodem privat, quatenus est communicatio cum fidelibus: suspensio vero propriè non illum usum, sed exercitium potestatis Ecclesiasticae impedit. vid. Laym. l. 1. t. 5. p. 4. c. 1. Bon. d. 5. p. 1.

Resp. II. Interdictum dividitur: In locale, quod immediatè locum afficit; & in Personale, quod immediatè afficit personas; & Mixtum, quod immediatè